

Recuento precioso di sucedido real:

"Mi suerte despues di mi malasuerte di sambuya"



Pa motibo di un error cu a presenta durante pasamento di articulo pa publicacion diasabra, e comentario riba e "recuento" menciona aki riba a keda corta y no a sali den su totalidad, di manera cu partinan importante escencial a keda afo. Pesey a ripiti esaki awe.

Awe Rudy Tromp por tabata un homber, esposoy tata, **paraliza di garganta bay abao**. Sinembargo, su mala suerte a cambia den suerte danki na **Dr. Vallejo**, na kende e ta inmensamente gradeci.

Rudy Tromp, naci na Aruba 16 di januari 1948, for di 1985 ta biba na Hulanda cu su esposa y yiu muhe. For di tempo cu e tabata na **MULO** e tabata bon den skirbimento di "**opstel**" y storianan cortico pa revista di scol. Di eyman e aspiracion di skirbi un storia propio. E ta lesa hopi, principalmente bukinan hulandes y e desgracia cu a pasa cune na 1998, el a inspire despues pa skirbi e biografia aki: "**Mijn geluk na un duikongeluk**".

Mi a haya e buki den mi man y mi intencion tabata pa pone un banda un of dos dia. Pero for di momento cu mi a habri e buki y cuminsa lesa (y na trabao) mi no a pone abao mas. **Asina interesante e tabata for di comienzo te final y agradablemente skirbi.**

Lagami djis tira algun parti di e prologo:

Despues cu mama di Rudy

wordo transporta pa Hulanda pa revalidacion cu no a bay sin cu tabata tin complicacionnan.

Tur esaki el a describi na un manera cu bo mester sigui lesa pa sa kico a pasa durante y despues di e periodo ey.

Na hospital un colega di **neurologo Dr. Vallejo** a pone e docter na altura di e caso y sin vacila **Dr. Vallejo** cu tabata tambe ciruhano di mama di Rudy a drenta den accion.

Ora Rudy a habri su wowo mira **Dr. Vallejo**, el a tende e docter bise cu voz serio. **"No move. Bo garganta, loke nos ta yama "atlas" a kibra na 4 lugar. Un movicion inocente aunke mas chikito por nifica bo morto of paralizacion di garganta bay abao".**

Cu masha cautela Rudy a wordo poni riba un cama y hiba camber di operacion mesora. A feita tur dos banda di su cabez, a tuma lugar midimento unda lo bay hinca schroefnan den e cabez, sigui pa otro proceduranan cu Rudy ta splica den e buki. Na dado momento dos enfermera a haci un equivocacion cu a pone cu e schroefnan a



sali y **D. Vallejo** cu tabata atento constantemente na hospital a yega y mester a bora di nobo. A busca ademas cierto aparato na Inglatera, menciona como "**ijzeren spiraal**" pa monta na cabez.



Su señora y yiunan a yega Aruba e dia siguiente y prome cu nan a yega cerca Rudy, **Dr. Vallejo** tabata presente pa duna nan splicacion completo di e operacion y trato, pa nan sa kico pa spera. E docter tabata na hospital tur e dianan cu Rudy tabata eyden, vigilando su condicion y cu enfermeranan cu el a encarga pa ta 24 ora presente pa keda contempla e patient. El a skirbi den su buki cu un cos ta sigur y esey ta cu **Dr. Horacio Oduber Hospital** mester ta orguyoso di tin un docter manera **d. Vallejo**. Por lesa hopi di locual el a skirbi di e neurociruhano **Dr. Carlos Vallejo** cu dia cu Rudy mester a biaha

pa tratamento na Hulanda, a keda te ultimo cune. Tambe el a skirbi tur locual a pasa e momentonan cu el a pasa den hospital varios siman largo.

Na Hulanda ambulance a transporte pa **Radbout Ziekenhuis** unda a keda asombra di e trabao magnifico cu **Dr. Vallejo** a haci cu e operacion y cu tabata conoci aya como un di esnan grandi na mundo riba e tereno aki, segun un familiar di Rudy a relata na mi persona.

Rudy a pasa gran parti di su recuperacion na Cas na Hulanda, te cu dia cu el a haya un incidente na cas y cu e schroefnan a los y e mester a wordo hiba hospital cu ambulance mes ora. E ciruhano cu a atende a laga sa cu no mester opera y cu e "**halovest**" cu e bata tin bisti ta wordo kita y tambe a kita e schroefnan na cabez.

Rudy su Revalidacion a cuminsa. Con a sigui te cu el a cuminsa move normal atrobe y hasta cuminsa traha sorprendiendo tur coleganan cu su yega na pia di trabao etc., lo por lesa den e buki masha interesante y bunita aki.

Manera Rudy Tromp a laga sa na **Dr. Vallejo**: "**mi bida tabata literalmente den bo man. Mannan cu Dios a bendiciona pa awe ta e major neurociruhano cu mundo a conoce y na kende mi ta dedica e buki aki**".

Juby Naar

